

159
 mañ mügent mit verfahren gen im die weil er das güt nicht empfā-
 gen hatt.

¶ Ob der herre das kind anfellet merck also.

**¶ Ob der herre das kind anfellet. oder das kind sein iarzal verfan-
 met gen seinē herren. das schadet den mannen mit an iren lehen. sy
 volgen ye dem güt nach. Vnd ist auch das ein herre zu seinen ta-
 gen kommen ist. vnd sein iarzal verfanmet gen seinem herren vnd
 im sein güt verteilt wirt mit recht. darumb sullen ir mañ mit verlie-
 ren ir recht. Sy sullen an den herren kōmen der selben lehen. vnd
 sullen ir lehen vordern an in. er sol in mit recht lehen. thūt er das
 ni. hat er dan das güt von einem anderen herren. an den sullen sy
 kommen vnd dem klagen von im. vnd der sol in rechtfertigen. dar-
 umb sol er in das güt lehen.**

¶ In die sibende handt.

**¶ Es mag also geschehen. das ein lehen ye lehen ist von einē mañ
 zu dem andern. vnd von hand ze hand als manig herschilt ist. das
 dich leihet ein herre dem andern ein güt. Es mag ye ein herre dē
 andern leihē vntz in die sibende hand. das ist als stede als hie vor
 geschriben ist.**

¶ Von der iarzal.

**¶ Jegliches mannes iarzal beginnet gen seinem herren so er sein
 güt von im empfahet die iarzal zelen wir ein iar vnd sechs wuchē.
 Vnd ist das ein herre auffer landes. wañ er wider ze land kōmet
 so geet die iarzal an. vnd alle ist. oder ist er gefangē. die weil geet
 die iarzal mit an. vnd die weil er ze land mit oder gefangē ist. so vn-
 der windet sich der mañ des gūts mit recht. wie alt kind sullen sein
 so sy lehenber seind. das seind dreizehen iar vnd sechs wuchē vō
 irer geburt. Vnd wil der herre des mit embern der im lehē leicht
 die freünd müssen dē kind einen vormundt geben. der dem herren
 antwort für das kindt. ze lehenrecht vnd fürsprechē wa es sein be-
 dürff. der vormundt sol dem herren antworten für das kindt vntz
 es ein vnd zwentzig iar alt wirt. Des kindes vormundt sol des her-
 ren mañ sein an des kindes statt. mañ sol heimes kindes alter rechē
 von der zeit das es die miter empfang. mañ soll von der zeit rechē
 das sy es an die welt bracht. Her ein kindt anspricht vmb lehen-
 recht dem sol sein vormundt antworten. vnd geet es den kinden an
 den eyd das er schweren sol. Vnd ist es vnder viertzehē iaren. so
 sol es mit schweren. wañ es über viertzehen iar kommen ist. so mag
 es wol eyde schweren. wil aber sein vormundt er schweret für es
 wol vntz es zu viertzehen iaren kommet Das ist auch in alle landt**